

度輪法師道鑒：

睽離忽已數載，每以為念。前郭居士來函云及座下在港法化甚盛，至慰！頃廣東太平蓮舍轉來惠函，并惠港幣陸百元，欣悉一一。座下發心殊盛，重興古刹，並蒙遠注，惠施功德，不勝希有之嘆。雲來雲居結茆，已將三載。此亦為國內著名祖師道場，惟久已荒蕪，殿堂全墟。雲來此後，各地衲子亦聞風而至；因此前年勉建法堂一幢，容眾安居。今春正修建大殿天王殿等處。惟資力維艱，住眾逾百，道糧亦困難。座下法緣至廣，甚望力為惠助，成茲功德，則甚幸！所云造聖像十餘尊，此皆殊勝之業；至為雲造象一節，雲何以堪，此甚不可也！望勿爾！座下為法心切，續佛祖慧命，當滿座下之願。附寄源流，俾承祖脈，祖道賴以重興，是所至望！專覆不盡，即頌

法樂

衲虛雲合十（印章）四月九日

雲居山真如禪寺箋

度輪法師道鑒：睽離忽已數載，每以為念。前郭居士來函云及座下在港法化甚盛，至慰！頃廣東太平蓮舍轉來惠函，并惠港幣陸百元，欣悉一一。座下發心殊盛，重興古刹，並蒙遠注，惠施功德，不勝希有之嘆。雲來雲居結茆，已將三載。此亦為國內著名祖師道場，惟久已荒蕪，殿堂全墟。雲來此後，各地衲子亦聞風而至；因此前年勉建法堂一幢，容眾安居。今春正修建大殿天王殿等處。惟資力維艱，住眾逾百，道糧亦困難。座下法緣至廣，甚望力為惠助，成茲功德，則甚幸！所云造聖像十餘尊，此皆殊勝之業；至為雲造象一節，雲何以堪，此甚不可也！望勿爾！座下為法心切，續佛祖慧命，當滿座下之願。附寄源流，俾承祖脈，祖道賴以重興，是所至望！專覆不盡，即頌

法樂

衲虛雲合十

四月九日

雲居山真如禪寺箋

虛雲老和尚給上人之信函

